



Indgået

13 FEB. 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Uunga
Debora Kleist
Inatsisartunut ilaasortaq
Inuit Ataqaigiit

Nuna tamakkerlugu Inunnut Innarluutilinnut Sullissivik pillugu § 37 naapertorlugu apequtitut (2018-039) akissutit

Asasara Debora Kleist,

Nuna tamakkerlugu Inunnut Innarluutilinnut Sullissivimmi nutaami Pissassarfimmi ilisimasani katersineq pillugu apequtinnut qujanaq.

12-02-2018
Suliap nr.: 2018 - 3276
Akt. id. 7203891
Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
Mail: iniian@nanoq.gl
www.naalakkersuisut.gl

1. Innarluutilinnut sullissivimmut paasissutissanik katersinermi Naalakkersuisut periutsinik, suleriutsinik takorluukkanillu periuseqarpat?

Inuit innarluutilit tapersersorneqarnissaannut Inatsisartut inatsisissaatut siunnersuummi nr. xx af xx. xxx 2018-imeersumi UKA2017-imi siullermeerneqartumi inatsisissatut siunnersuutip nassuiaatitaani allassimavoq Inunnut Innarluutilinnut Sullissivik:

"(..) Nuna tamakkerlugu inunnik innarluutilinnik sullissivimmi, ilisimasanut ineriartortitsinermullu kiisalu sungiusaanermut qitiusumi sullissivittut atuuttussamik, (...) [amma] inunnut innarluutilinnut tunngasut pillugit ilisimasanut nalinginnaasunut, ilisimasaqarfittut atuutissaaq, ilaatigut sullissiviup siunnersuinermik atuartitsinermillu suliaqarnissaata tunngavissinnissaa siunertaralugu."

Sullissivik nammineerluni periusissaminik suliaqartussaassaaq. Pissassarfimmi siunissami ilisimasani katersinissani IPIS-ip anguniagai misilittagaalu ilaatigut aallaavigineqassapput. Taamaasiornikkut ilaatigut anguniarneqarpoq nunatsinni namminermi nunanilu allani suliasanik isomaginnittartunut eqqortunut innersuussuteqartalermissaq aammalu Kalaallit Nunaanni nunanilu allani IPIS-ip pisortatigoortumik pisortatiguunngitsumillu suleqatigisartagaasa tiguneqarnissaat. Tamatuma saniatigut sullissiviup ilisimasani katersai ilaatigut sullissiviup pikkorissaasarnerini sulianut tunngasuni tunngaviusinnaassapput. Naggataasigut Pissassarfiup - nittartagassaminik pilersitsereeruni – inunnut innarluutilinnut tunngasunik soqutigisalinnut tamanut atugassanik ilisimasani siammarterisalernissaa naatsorsuutigineqarpoq.

2. Qaqortumi Tungujortuaqqami Ilulissanilu Specialcenterimi ilinniartitsisut ilisimasaasa atornissaannut Naalakkersuisut pilersaaruteqarpat?

Inunnut innarluutilinnut assigiinngitsunut tunngatillugu ilaatigut Qaqortumi Tasersuup Atuarfiata immikkoortortaani Tungujortuaqqami Ilulissanilu Atuarfik Mathias Storchip specialcenteriani Nukaakami immikkut ilisimasani pingaarutilinnik atorpeqarsinnaasunillu pigisaqartoqarnera Naalakkersuisunit arajutsisimaneqanngilaq.

Siunissami sulinissaminut atugassaminik Pissassarfik paasissutissanik naleqquttunik atuilluni pissarsiorumarpoq.

3. Annertusisamik immikkut ilinniartitsinermi / suliffeqarfinni taakkunani marlunni atuartitsinermik neqeroorutigineqartunik katersissallutik, uppersaasersuissallutik ineriartortitseqqissallutillu Naalackersuisut takorluugaqarpat?

Apeqqummut 1-imut aamma 2-mut akissutit innersuussutigineqarput.

4. Innarluutilinnik sullissiviup pineqartoq pillugu siunissami sulissuteqarnissaanik Naalackersuisut qanoq naatsorsuuteqarpat?

Apeqqummut 1-imut aamma 2-mut akissutit innersuussutigalugit, Inuit Innarluutilit tapersorneqarnissaannut Inatsisartut inatsisissaattut siunnersuut saqqummiunneqartoq akuerineqassappat, inunnut innarluutilinnut tamanut tunngatillugu ilisimasanik katersinissaminut kiisalu immikkut pisariaqartitsisunut immikkut ilisimasanik pissarsiniartarnissaminut Pissassarfik pisussaaffeqalissaaq.

Pissassarfimmi suliassat ingerlanneqarnissaannut tunngaviliisumik Pissassarfimmi ilisimasanik ingerlaavartumik ineriartortitsisoqarnissaa Naalackersuisut naatsorsuutigaat. Ilisimasanik ineriartortitsinissaq taanna sammisami sullissisut allat, soorlu Qaqortumi Tungujortuaraq Ilulissanilu Specialcenteri, oqaloqatigalugit suleqatigalugillu ingerlanneqartassaaq.

Inussiarnersumik inuulluaqqusillunga
Med venlig hilsen


Sara Olsvig

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalackersuisoq